

#### 1. TÍTULO DO PROGRAMA/ AXUDA

Subvencións para o Programa de modernización do comercio: Fondo Tecnolóxico, no marco do Plan de recuperación, transformación e resiliencia financiado pola Unión Europea-NextGenerationEU, e se convoca para o ano 2023 (código procedemento CO300G)

#### 2. FINALIDADE / OBXECTIVO

O financiamento de proxectos de contido tecnolóxico, innovador e sustentable, dirixidos a impulsar o emprego das novas tecnoloxías no sector comercial.

Dúas liñas de axuda:

- 1) Liña destinada a autónomos e pemes comerciais
- 2) Liña destinada a Federacións e Asociacións de comerciantes sen ánimo de lucro

#### 3. TIPOS DE APOIO

Subvencións a fondo perdido en réxime de concorrencia non competitiva e suxeitas ao réxime de mínimos (non exceder límite de 200.000 euros en subvencións suxeitas a mínimos nun período de tres anos) As subvencións serán concedidas ata o esgotamento do crédito por prelación temporal

#### 4. BENEFICIARIOS POTENCIAIS

1) Persoas beneficiarias da liña 1 de axudas destinadas a autónomos e pemes comerciais, (persoas físicas ou xurídicas ou calquera outra unidade económica ou de patrimonio separado sen personalidade xurídica que foran legalmente constituídas), que cumpran os seguintes requisitos:

a) Que o establecemento comercial para o que se solicita a axuda teña carácter físico e permanente e estea localizado na CA de Galicia. No caso de comerciantes que realicen a actividade comercial en liña ou comerciantes retallistas fora dun establecemento comercial permanente, deberán ter domicilio fiscal en Galicia

b) Que teñan a condición de peme segundo o establecido no Regulamento (UE) 651/2014 da Comisión, do 17 de xuño do 2014

c) Que a actividade principal do negocio se corresponda con algunha das actividades incluídas nos códigos 46 ou 47 do CNAE, aprobadas polo Real Decreto 475/2007 do 13 de abril polo que se aproba a Clasificación nacional de actividades económicas (CNAE 2009) Quedan excluídas as actividades comerciais dadas de alta como actividade principal nos epígrafes 616, 654, e 655. Si no comercio se realizan simultaneamente varias actividades económicas diferentes, o solicitante deberá acreditar que a súa actividade principal é unha das pertencentes aos epígrafes de actividades comerciais consideradas subvencionables.

- 3) Persoas beneficiarias da liña 2 de axudas destinadas a Federación e Asociacións de comerciantes sen ánimo de lucro que cumpran os seguintes requisitos:
- a) Asociacións e Federacións de comerciantes sen ánimo de lucro legalmente constituídas que teñan entre os seus fins estatutarios a defensa dos intereses do sector comercial
  - b) Que teñan a sede social e o seu ámbito de actuación en Galicia
  - c) Que teñan unha antigüidade mínima de 3 anos na data de publicación desta orde.
  - d) No caso de Asociacións de ámbito municipal: Deberán ter un número mínimo de comerciantes asociados, dados de alta nalgunha das epígrafes subvencionables segundo esta Orde, e en función da poboación do concello: Menos de 5.000 habitantes, mínimo de 10 comerciantes asociados; Entre 5.000 e 20.000 habitantes, mínimo de 20 comercios asociados; Máis de 20.000 habitantes, mínimo de 50 comercios asociados. En todo caso, o número de comercios asociados deberá representar, como mínimo, o 40% do número de socios da Asociación.
  - e) No caso de Federacións de ámbito provincial ou autonómico, deberán ter asociadas un mínimo de 15 asociacións de comerciantes que cumpran ademais cos requisitos da letra d) deste apartado

## 5. SECTORES INCENTIVABLES

SECTOR COMERCIO

## 6. REQUISITOS PRINCIPALES DO PROXECTO

As actuacións serán subvencionables sempre e cando sexan realizadas e efectivamente pagadas dende o 1 de xaneiro do 2022 ata o 31 de marzo do 2023 (data límite para xustificar o investimento realizado subvencionable e presentar a documentación xustificativa que indica a Orde no artigo 18, será tamén o 31 de marzo do 2023)

## 7. CUALIFICACIÓN REQUERIDA DO PROXECTO

## 8. INVERSIÓN E/OU GASTOS COMPUTABLES

ACTUACIÓNS SUBVENCIONABLES PARA A LIÑA 1 DE AXUDAS DESTINADAS A PERSOAS AUTÓNOMAS E PEMES COMERCIAIS:

**1) Programa smart retail dirixido á transformación dixital do punto de venda e modelo de negocio a través das seguintes actuacións:**

Software de xestión de experiencia da clientela (aplicacións big data e análise de datos); Etiquetaxe electrónica para lineais de venda; Tecnoloxía de control de stocks e tecnoloxía RFID; Xestor de colas automatizado; Sistemas de click and collect e locker dixitais; Probadores interactivos; Software para a xestión loxística do e-commerce; Solucións de ciberseguridade; Asistentes virtuais e sistemas dixitais interactivos (chatbots); Aplicacións para dispositivos móbiles (m-commerce); Terminais de autopagamento;

**2) Programa visual merchandising dirixido á mellora da experiencia de compra a través das seguintes actuacións:**

Escaparates virtuais con ou sen interacción coa clientela; Andeis virtuais; Pantallas e mesas interactivas; Totems publicitarios; Encerados dixitais; Aplicacións de realidade virtual e aumentada; En todo caso tódalas actuacións subvencionables excepto a última (aplicacións de realidade aumentada), deberán incluír o software para a programación e emisión de contidos dixitais. Considéranse subvencionables os gastos relativos a elaboración destes contidos.

**3) Programa Green Store, dirixido á mellora da eficiencia enerxética e dos recursos a través das seguintes actuacións:**

Portas automáticas con sensores de proximidade que redunden nunha mellora da eficiencia enerxética no ámbito térmico do local; Sistemas de iluminación enerxeticamente eficientes e sensores de presenza para a regulación automática de luces que melloren e optimicen o consumo de enerxía eléctrica; Sistemas de climatización do local enerxeticamente eficientes;

ACTUACIÓN SUBVENCIONABLES PARA A LIÑA 2 DE AXUDAS DESTINADAS A FEDERACIÓN E ASOCIACIÓN DE COMERCIANTES:

- 1) Mupis dixitais, interactivos ou non, de sinalización e promoción das áreas comerciais
  - 2) Ferramentas dixitais colaborativas entre os asociados
  - 3) Sistemas de Click and Collect e Lockers dixitais
  - 4) Redes wifi nas áreas comerciais
- 5) Redución dos insumos por parte dos comercios e das persoas consumidoras nos establecementos comerciais mediante a implantación de alternativas respectuosas co medio ambiente; Elaboración e posta en marcha de procesos ecoeficientes para a correcta separación dos residuos e a súa posterior reciclaxe e valoración que inclúan a participación de todos os asociados. Consideraranse subvencionables os gastos relativos á adquisición de elementos para a correcta reciclaxe dos residuos; Proxectos de aplicación de solucións tecnolóxicas conxuntas para mellorar a eficiencia no consumo enerxético que inclúan a participación de todos os asociados;

**NON SERÁN SUBVENCIONABLES:**

- Os ordenadores persoais e servidores, televisores, impresoras, terminais de punto de venda, tablets, displays, consolas e similares, agás o mobiliarios tecnolóxico previsto na Orde.
- Os impostos indirectos nin os tributos de calquera natureza, licenzas, permisos ou gastos similares. O IVE non será subvencionable en ningún caso.
- Os gastos de arrendamento de establecementos ou gastos correntes da actividade do beneficiario nin os gastos de persoal
- O seguimento, mantemento ou calquera outro gasto relacionado co funcionamento e mellora da solución tecnolóxica tras a súa implementación
- Os traballos realizados polo solicitante da subvención nin as actuacións cando o vendedor dos activos ou o prestador da actividade sexa da propia empresa ou asociación solicitante, ou se dá un suposto análogo do cal poida derivar autofacturación
- Os elementos de transporte
- Os gastos financeiros, circulante, taxas etc
- Nos proxectos de redución de insumos, os elementos de packaging que non sexan reutilizables e elaborados con materiais que non sexan 100% reciclados ou biodegradables
- Os proxectos desenvolvidos por Federacións ou Asociacións de comerciantes que sexan coincidentes no mesmo territorio e teñan a mesma identidade en canto a actuación, finalidade e obxectivos. En caso de coincidencia, aplicarase a prelación temporal de presentación do proxecto
- Os proxectos que non respecten plenamente as normas e prioridades da UE en materia climática e ambiental
- As actividades relacionadas con combustibles fósiles
- As actividades no marco do réxime de comercio de dereitos de emisión da UE (RCDE) en relación as cales, se prevexa que as emisións de gases de efecto invernadoiro que van provocar, non se situarán por baixo dos parámetros de referencia pertinentes e aprobados pola UE
- Actividades relacionadas con vertedoiros de residuos, incineradoras etc coas especificacións que veñen na Orde no artigo 4 das Bases reguladoras da mesma.
- As actividades en que a eliminación a longo prazo de residuos poida causar danos ao ambiente.

## 9. CONTÍA DAS AXUDAS

### LIÑA DE AXUDAS PARA AUTÓNOMOS E PEMES:

Investimentos máximos subvencionables:

Autónomos e pemes de 0 a 10 traballadores: 50.000 €; Autónomos e pemes de 11 a 50 traballadores: 100.000 €; Autónomos e pemes de 51 a 250 traballadores: 200.000 €

### LIÑA DE AXUDAS PARA FEDERACIÓNS E ASOCIACIÓNS:

Investimentos máximos subvencionables:

Asociacións de 10 a 19 comercios asociados: 20.000 €; Asociacións de 20 a 49 comercios asociados: 45.000 €; Asociacións de 50 ou máis comercios asociados: 70.000 €; Federacións de comerciantes: 200.000 €

**A PORCENTAXE DE SUBVENCIÓN SERÁ DO 90% DOS INVESTIMENTOS SUBVENCIONABLES NAS DÚAS LIÑAS DE SUBVENCIÓN**

## 10. PRAZO DE PRESENTACIÓN DE SOLICITUDES

O prazo de presentación de solicitudes remata o 30 de xaneiro do 2023

**A SOLICITUDE PODERÁ PRESENTARSE PREFERIBLEMENTE VÍA ELECTRÓNICA A TRAVÉS DA SEDE ELECTRÓNICA DA XUNTA DE GALICIA (<https://sede.xunta.gal>)**

Para a presentación telemática será necesario o DNI electrónico ou calquera dos certificados electrónicos recoñecidos pola sede electrónica da Xunta de Galicia.

## 11. INCOMPATIBILIDADES

O importe das subvencións reguladas nesta orde, en ningún caso, poderá ser de tal contía que, illada ou en concorrencia con outras axudas das distintas administracións, ou calquera dos seus entes públicos ou privados, nacionais ou internacionais, supere o custo da actividade subvencionada. A axuda de mínimos non se acumulará con ningunha axuda estatal correspondente aos mesmos gastos subvencionables, se a acumulación da lugar a unha intensidade de axuda superior á establecida para as circunstancias concretas de cada caso nun regulamento de exención por categorías ou nunha decisión adoptada pola Comisión Europea.

#### 12. REFERENCIA LEGISLATIVA

Orde do 23 de decembro do 2022 (DOG 30/12/2022)

#### 13. INFORMACIÓN E TRAMITACIÓN EN

Páxina web da Vicepresidencia Primeira e Consellería de Economía, Industria e Innovación,  
<http://ceei.xunta.gal/portada>

Tel. contacto: **981 54 55 57**

[cei.dxc.axudas@xunta.gal](mailto:cei.dxc.axudas@xunta.gal)

#### 14. OBSERVACIÓN

Os beneficiarios destas axudas deberán manter o investimento subvencionado por un prazo de 4 anos e cumprir as restantes obrigas do artigo 15 das bases reguladoras da Orde de convocatoria destas axudas